

Frid. frolickeyt. lieb und. Starcken

Christlichen glauben von gott durch vnsern hern
Ihesum Christū/Wunsche ich Endres Bo-
denstein/ meynen lieben mutter vnd allen
meynen freunden. AMEN.

¶ Ich mocht wol / yn tieffen engsten sagen. Nun o gott
meyn herr/ meyn schöpffer/ meyn erlöser / meyn zuflucht / meyn
leyb/ vnd meyn leben/ vorlaß mich nit/ Nit weych von mir mir.
Dan betrübtenus/ anfechtung vnd vrsuchung ist mir das aller
nehest/nichts ist mir neher/dan angst/ vñ ist niemāts der mich
erlösen kan / dan alleyn du / so hastu durch deyn warhafftig
vñ vnuoranderlich wort gesagt. Ich werd mit yhm sein/in an-
fechten / ich werd yhn erlösen auß betrübtenus/vnd so wirt er
mich loben. Item/Schrey zu mir ym tag deynes leydens/elend-
des/vnd schmerzes/so wil ich dir helffen. Her du bist eyn ge-
rechter/warhafftiger gott/vnd deyn vorteyl/ vnd dein vorteyl-
ung/ist die warheyt selber/ durch das selbe wort trostest u alle
glaubigen/du begereest nicht mehr/ dan das ich dir glaub/ das
du meyn schöpffer/meyn helffer/ meyn erlöser von allem übell/
vnd seligmacher bist/Du sprichst/ Kanstu glauben das ich dir
helffen kan vnd wil / so wil ich dir helffen. Ja meyn gott/
zu dir steht all meyn trost/hertz/sorg vnd leben.

¶ Wie sicher ist das wort deyner warheyt/ des biß gedencken/
deyne knecht(ya deynem wärmleyn) zu gut/ In deyner zusagüg
hast du mir alle hoffnung gegeben. Diffe hoffnung/ die meyn
geyst auß deynem wort empfangen / trostet mich eyniglich yn
meynem elend vnd betrübtenus. Meyn her nit vorlas mich/nym
mir ye nit / auß meynem schwachen hertzen / das wort deyner
warhafftigen vorteylung / biß mir beystendig / mit deynem
wort/mit deyner hilff vnd erlöfung. Dan meyn gott/ meyn her
meyn eyniger helffer/ es haben mich vill kelber / vnd vil ochsen
vmbgeben. Annas vñ Cayphas/die schrifft weysen / vñ gleyß-
ner/die nit groß achtung geben/ was deyn gesetz vnd wort in-
helt vnd nutz macht/der Papsst etzliche Cardinālen vñ etzliche
Bischoffen die sperre yhre rachen vñ gynen mit dez maul auff
gleych wie ein wütender / prellender vñ reebender lawh/der

ps. 21. Tribu-
latio proxi-
ma est.

ps. 90. Cum
ipso sum in
tribulatione:

ps. Inuoca-
me.

Mar. 11. Cres-
cite q̄a acci-
pietis:

Matth. 9. Sec-
cū dū fide m̄
v̄r̄az fiat no-
bis.

ps. 118. In q̄
spem dedisti

ps. 21.
ps. 118.

Thauri ping-
ues.